

Na osnovu člana 56. Zakona o organizaciji organa uprave u Federaciji BiH („Službene novine Federacije BiH“, broj 35/05) i člana 14. stav 3. Zakona o boravišnoj taksi BPK-a Goražde („Službene novine BPK-a Goražde“, broj 4/21 i 6/24), Ministar za privredu Bosansko-podrinjskog kantona Goražde, donosi:

PRAVILNIK
o sadržaju i načinu vođenja knjige o evidenciji uplaćene boravišne takse

Član 1.

Ovim Pravilnikom propisuju se vrste evidencije uplaćene boravišne takse, način vođenja evidencije, sadržaj obrazaca za vođenje evidencije, dostavljanje izvještaja, obveznik vođenja evidencije i dostavljanje izvještaja.

Član 2.

- 1) Vođenje evidencije uplaćene boravišne takse propisano je u članu 14. Zakona o boravišnoj taksi Bosansko-podrinjskog kantona Goražde („Službene novine BPK-a Goražde“, broj 4/21 i 6/24).
- 2) Evidencija iz stava 1. ovog člana je:
 - a) evidencija uplaćene boravišne takse,
 - b) evidencija uplaćene boravišne takse u godišnjem paušalnom iznosu.

Član 3.

- 1) Evidencija iz člana 2. tačka a) ovog pravilnika se vodi posebno za svaki mjesec u godini.
- 2) Evidencija iz člana 2. tačke b) ovog pravilnika se vodi za tekuću godinu.
- 3) Evidencija iz člana 2. tačka a) ovog pravilnika se vodi na obrascu za plaćenu boravišnu taksu (u daljem tekstu: obrazac BT), koji je sastavni dio ovog pravilnika.
- 4) Evidencija iz člana 2. tačka b) ovog pravilnika se vodi na obrascu za plaćenu boravišnu taksu u godišnjem paušalnom iznosu (u daljem tekstu: GPBT), koji je sastavni dio ovog pravilnika.

Član 4.

- 1) Obrazac BT iz člana 3 stav (3) ovog pravilnika sadrži sljedeće podatke:
 - a) davalac usluga smještaja (naziv i sjedište pravnog lica, odnosno ime, prezime i adresu fizičkog lica koje pruža usluge smještaja, poreski identifikacioni broj – ID broj, odnosno JMBG i kontakt telefon),
 - b) objekat za smještaj (vrsta, naziv i šifra djelatnosti),
 - c) transakcijski račun davaoca usluga smještaja (broj računa, naziv i sjedište poslovne banke),
 - d) transakcijski račun primaoca uplate boravišne takse (naziv primaoca uplate- Bosansko-podrinjski kanton Goražde, broj računa, naziv i sjedište poslovne banke),
 - e) boravišna taksa (broj turista-domaći i strani, broj noćenja, ukupan iznos naplaćene boravišne takse na depozitni račun Bosansko-podrinjskog kantona Goražde),

- f) boravišna taksa umanjena za 50 % (broj turista-domaćih i stranih, broj noćenja, ukupan iznos naplaćene boravišne takse i ukupan iznos uplaćene boravišne takse na depozitni račun Bosansko-podrinjskog kantona Goražde),
- g) oslobađanja od plaćanja boravišne takse (broj turista-domaćih i stranih i broj noćenja),
- h) datum uplate boravišne takse,
- i) datum dostavljanja izvještaja o broju korisnika usluga smještaja i iznosu naplaćene boravišne takse,
- j) ime i prezime ovlaštenog lica, potpis i pečat.

2) Obrazac GPBT iz člana 3. stav (4) ovog pravilnika sadrži sljedeće podatke:

- a) davalac usluga smještaja u kući za odmor, apartmanu, sobi za iznajmljivanje, iznajmljivač, seosko domaćinstvo i planinarski dom (naziv i sjedište pravnog lica, odnosno ime, prezime i adresu fizičkog lica koje pruža usluge smještaja, poreski identifikacioni broj – ID broj, odnosno JMBG i kontakt telefon),
- b) transakcijski račun davaoca usluge smještaja (broj računa, naziv i sjedište poslovne banke)
- c) transakcijski račun primaoca uplate boravišne takse u godišnjem paušalnom iznosu (naziv primaoca uplate-depozitni račun Bosansko-podrinjskog kantona Goražde, broj računa, naziv i sjedište poslovne banke),
- d) boravišna taksa u godišnjem paušalnom iznosu (broj kreveta-ležajeva) paušalni iznos za svaki krevet, prema Odluci Vlade Bosansko-podrinjskog kantona za tekuću godinu i ukupan uplaćeni iznos boravišne takse u godišnjem paušalnom iznosu na depozitni račun Bosansko-podrinjskog kantona Goražde),
- e) datum uplate godišnjeg paušalnog iznosa boravišne takse,
- f) datum dostavljanja izvještaja o uplaćenom godišnjem paušalnom iznosu boravišne takse,
- g) ime i prezime ovlaštenog lica i potpis.

3) Ministarstvo za privredu Bosansko-podrinjskog kantona Goražde i Turistička organizacija Bosansko-podrinjskog kantona Goražde su dužni postaviti obrasce iz stava (1) i (2) ovog članka u obliku elektronskih formulara na svojim internet stranicama i omogućiti njihovo printanje obvezniku vođenja evidencije i dostavljanja izvještaja iz člana 6. ovog pravilnika,

4) Obrasci iz stava (1) i (2) ovog člana se popunjavaju štampanim slovima, a podnose se u pismenoj formi ličnom predajom ili poštom preporučeno.

Član 5.

1) Na obrascu BT davalac usluga smještaja dužan je Poreznoj upravi FBiH, Kantonalnoj upravi za inspeksijske poslove Bosansko-podrinjskog kantona Goražde i Turističkoj organizaciji Bosansko-podrinjskog kantona Goražde do 15. u mjesecu za prethodni mjesec, dostaviti izvještaj o broju korisnika usluga smještaja i iznosu naplaćene boravišne takse.

2) Na obrascu GPBT davalac usluga smještaja dužan je Poreznoj upravi FBiH, Kantonalnoj upravi za inspeksijske poslove Bosansko-podrinjskog kantona Goražde i Turističkoj organizaciji Bosansko-podrinjskog kantona Goražde do 31. oktobra tekuće godine dostaviti izvještaj o uplaćenju boravišnoj taksi u godišnjem paušalnom iznosu, koji se plaća za svaki krevet, koji se koristi za pružanje usluga smještaja.

Član 6.

1) Obveznik vođenja evidencije iz člana 2. ovog pravilnika i dostavljanja izvještaja iz člana 5. ovog pravilnika je pravno ili fizičko lice koje pruža usluge noćenja u smještajnom objektu u kojem se obavlja ugostiteljska djelatnost.

Član 7.

Ovaj pravilnik stupa na snagu danom donošenja, a naknadno će da se objavi u Službenim novinama Bosansko-podrinjskog kantona Goražde.

Broj: 04-11-1853 /24

Goražde: 24.07.2024. godine



**IZVJEŠTAJ O BROJU KORISNIKA USLUGA SMJEŠTAJA I
NAPLAĆENOJ BORAVIŠNOJ TAKSI ZA MJESEC _____ GODINE**

Davalac usluga smještaja	Naziv i sjedište pravnog lica/ime, prezime i adresa fizičkog lica	
	ID broj/JMBG	
	Kontakt telefon	
Objekat za smještaj	Vrsta	
	Naziv	
	Šifra djelatnosti	
Transakcijski račun davaoca usluga smještaja	Broj računa	
	Naziv poslovne banke	
	Sjedište poslovne banke	
Transakcijski račun primaoca uplate boravišne takse	Naziv primaoca uplate	
	Broj računa	
	Naziv poslovne banke	
	Sjedište poslovne banke	

Boravišna taksa

Turisti	Broj turista	Broj noćenja	Ukupan iznos uplaćene boravišne takse u budžet BPK-a Goražde
Domaći			
Strani			
UKUPNO			

Boravišna taksa umanjena za 50 %

Turisti	Broj turista	Broj noćenja	Ukupan iznos uplaćene boravišne takse u budžet BPK-a Goražde
Domaći			
Strani			
UKUPNO			

Boravišnu taksu umanjenu za 50 % plaćaju lica u skladu sa članom 6. Zakona o boravišnoj taksi BPK-a Goražde.

Oslobađanje od boravišne takse

Turisti	Broj turista	Broj noćenja
Domaći		
Strani		
UKUPNO		

Boravišnu taksu ne plaćaju lica iz člana.5 Zakona o boravišnoj taksi BPK-a Goražde(članska karta, potvrda škole, ljekara,ljekarski uput i dr.)

Datum uplate boravišne takse	
Datum dostavljanja izvještaja	
Ime i prezime ovlaštenog lica,potpis i pečat	

IZVJEŠTAJ O UPLAĆENOJ BORAVIŠNOJ TAKSI U GODIŠNJEM PAUŠALNOM IZNOSU ZA _____ GODINU

Davalac usluga smještaja	Naziv i sjedište pravnog lica/ime i prezime i adresa fizičkog lica	
	ID/JMBG	
	Kontakt telefon	
Transakcijski račun davaoca usluga smještaja	Broj računa	
	Naziv poslovne banke	
	Sjedište poslovne banke	
Transakcijski račun primaoca uplate boravišne takse u godišnjem paušalnom iznosu	Naziv primaoca uplate	
	Broj računa	
	Naziv poslovne banke	
	Sjedište poslovne banke	

Boravišna taksa u godišnjem paušalnom iznosu za godinu

1.	Broj kreveta	
2.	Visina godišnjeg paušalnog iznosa boravišne takse za svaki krevet u objektu, prema Odluci Vlade BPK-a za tekuću godinu	
3.	Ukupan uplaćeni iznos (u KM) u budžet BPK-a Goražde	

Datum uplate boravišne takse u godišnjem paušalnom iznosu	
Datum dostavljanja izvještaja	
Ime, prezime i potpis	